



7 April 2022

## 50M BANKRUS RANDSLAG

50M BANKRUS RANDSLAG SPORTER (SG04-A)

50M BANKRUS RANDSLAG OPE KLAS (SG04-B)

50M BANKRUS RANDSLAG SEMI-OUTOMATIES (SG04-C)

TAK VLAK

### Inleiding

Die SAJWV en SA Jag Sportskiet beskou randslag vuurwapens as kritiese belangrikste vuurwapens om jagters en sportskuts se vaardigheid te ontwikkel. Randslag vuurwapens bied ook 'n kostedoeltreffende metode om skietvaardigheid buite die jagseisoen in stand te hou. Hierdie posliga uitdaagskiet bied die geleentheid aan individue en takke om individueel of in spanverband deel te neem. Die doel van die posliga-skietoefening is om lede se sportskietvaardighede te verbeter.

### Takvlak

Skietbalkies:                Brons: **150 uit 250**

   Silwer: **175 uit 250**

   Goud: **200 uit 250**

### Afstand

50m

### Gewere word in 3 groepe geklassifiseer

Slegs .22LR randslaggewere mag in die kompetisie gebruik word.

### Randslag (Sporter)

Jag-tipe .22 moet 'n magasyngeweer wees soos bv. Brno/ Krico/ Sako Remington ens. Die *sporter* klas het egter 'n gewigsbeperking van 3, 75kg. [Die gewig word bepaal deur die geweer volledig met die magasyn en teleskoop te weeg. Die geweer en teleskoopkombinasie mag nie die 3, 75kg gewigsbeperking oorskry nie.] **Teleskope:** Vergroting is onbeperk.



## **Randslagammunisie (.22 LR)**

Alleenlik .22 lank of .22 kort randslagammunisie word toegelaat.

## **Ope klas**

In die ope-klas kan skuts met bona fide skyfskiet swaarloopgewere soos Anchutz, Walther, BSA, ens. op gelyke grondslag meeding. Daar is geen gewigsbeperking nie.



**Teleskope:** Vergroting is onbeperk.

## **Semi-outomatiese klas**

Randslag semi-outomatiese Ruger Remington, Browning ens. sonder 'n gewigsbeperking is toelaatbaar in hierdie kategorieë.



## **Visiere of teleskope**

Geen beperking op visiere of teleskope nie.



## **Verkykers *spotting scopes***

Skuts mag verkykers en *spotting scopes* gebruik maak om skootplasing vas te stel.

## **Ammunisie**

Slegs standaardsnelheid, of subsoniese .22LR ammunisie word toegelaat [*Match/Match trainer types*]

## **Ondersteuning**

Die geweer mag voor en agter ondersteun word (russe voor en agter moet los wees van mekaar). X-bags en bi-pods word toegelaat.

(Russe waar die voorste rus en die agterste rus met mekaar verbind is, is ontoelaatbaar).

## **Skietoefening**

**25 Skote (Totaal van 250 punte)**

## **Oefening**

Nadat skietpunt opgestel is kry skuts 5 minute om 'n aantal onbepaalde proefskote te skiet en wapens te bevestig. Na afloop van die proefskote, bevestig baanoffisier dat geen dwaalskote op teldiagramme geskiet was nie. Indien wel moet dit gekanselleer word.

Die skietoefening bestaan uit 'n totaal van **25 skote vanaf 50m met 'n tydsbeperking van 20 minute vir die 25 skote**. Die skut het die opsie om verdere onbeperkte proefskote te skiet (geen addisionele tyd). Die totale telling word bepaal deur die totaal van die **25 telbare skote** in die genommerde diagramme.

**Tellingadministrasie**


'n Erkende SAJWV skietkoördineerder moet die tellings met die tablet na hoofkantoor se databasis stuur. Kwalifiserende skutse in die sportskietoefening kan lapkentekens by die skietvertegenwoordiger aanvra.

**Teiken**

Die teiken is die S04 teiken en is by die SAJWV Jagterswinkel beskikbaar. Ware teiken grootte A3 (29.5cm x 42cm)

'n Skoot wat buite die telarea van 'n diagram val, se waarde is 4 punte.


- (A) Waar die koeëlgat aan 'n lyn raak sal die hoër waarde aan die skoot toegeken word. [bv. 6]
- (B) Indien daar meer as een skoot per teldiagram geskiet is, verloor die skut die hoogste telling en kry die laagste telling -1 punt per addisionele skoot, per diagram.



- (C) Die totale telling wat behaal kan word, is 250. Proefskote word aan die linker- en regterkant van die teldiagramme geskiet.

**Figuur 2**

(D2) Wanneer 'n skoot beide diagramme tref is die telwaarde vir beide diagramme 4 punte elk en verloor die skut -1 punt per addisionele skoot per diagram.



Proefskote word aan die linkerkant en aan die regterkant van die teldiagramme geskiet. Die oefening word vanaf 'n skiettafel vanuit 'n tipiese bankrusposisie geskiet.

